



## Publicaziuns dalla vischnaunca, jamna 26

### Damondas da baghegiar

#### 2022-1032.000

##### Datum dalla publicaziun: 1. da fenadur 2022

Il patrun: Dominik Lechmann, Via Raveras 21, 7180 Disentis/Mustér

Il representant: Dominik Lechmann, Via Raveras 21, 7180 Disentis/Mustér

Object: Midada d'intent, engrondaziun dalla surfatscha da habitar, edifeci 772A, parcella 1066, Via Raveras 21, 7180 Disentis/Mustér

#### 2022-1034.000

##### Datum dalla publicaziun: 1. da fenadur 2022

Il patrons: Clemens e Claudia Berther-Bearth, Via Salez 5, 7186 Segnas

Il representant: Atelier Schmidt GmbH, Via Fabrica 17, 7166 Trun

Object: Sanaziun interna digl edifeci nr. 394A, remplazzament dallas finiastras e construcziun nova d'in carport, parcella 296, Via Salez 2, 7186 Segnas

#### 2022-1035.000

##### Datum dalla publicaziun: 1. da fenadur 2022

Il patrun: Marco Pilloud, Via da Scola 20, 7180 Disentis/Mustér

Il representant: Coray Capaul architectura e habitar GmbH, Via Lucmagn 4, 7180 Disentis/Mustér

Object: Construcziun nova d'ina casa da pliras famiglias e garascha sutterrana, parcella 2236, Via Vallars 16, 7186 Segnas

### Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, igl 1. da fenadur 2022

Uffeci da baghegiar Disentis/Mustér

---



### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2022-2047.000**

Eugen Monn, Via Cuntrin 13, 7175 Sumvitg, lavurs da manteniment vid la via ed il clavau, parcelas 360 e 361, Pardomat Dado, 7180 Disentis/Mustér.

**Nr. 2022-2049.000**

Ursicin Flepp, Via Raveras 7, 7180 Disentis/Mustér, remplazzament dils indrezs solars, parcella 2824, baghetg 211A, Via Run, Plaun Grond, 7180 Disentis/Mustér.

**Nr. 2022-2050.000**

Robert Castelberg, Büelstrasse 22, 5426 Lengnau, sanaziun dallas finiastras e storas, parcella 690, Via Alpsu 17, 7180 Disentis/Mustér.

**Nr. 2022-2052.000**

Sep Antoni Schuoler, Via Clavaniev 12, 7180 Disentis/Mustér, remplazzament dalla porta-garascha e lavurs da manteniment, parcella 1378, baghetg 240, Via Clavaniev 15, 7180 Disentis/Mustér.

**Nr. 2022-2053.000**

Armin Manetsch, Via America 8, 7183 Mumpé Medel, construcziun d'ina pergola, parcella 2169, baghetg 484A, Via America 8, 7183 Mumpé Medel.

Disentis/Mustér, igl 1. da fenadur 2022

Uffeci da baghegiar Disentis/Mustér

---

### Cussegl da vischnaunca

**Rapport dalla seduta extra muros dils 22-6-2022 el Museum Cuort Ligia Grischa a Trun**

La seduta dil cussegl da vischnaunca ha giu liug el bi e historic Museum Cuort Ligia Grischa a Trun. Il cussegl da vischnaunca da Mustér ha cheutras vuliu exprimer siu ligiom cun la regiun. Suenter prender investa dil museum ha il cussegl da vischnaunca sut l'egida da siu president **Adrian Deflorin** priu enconuschientscha dil plan da finanzas pils proxims diesch onns. La nova planisaziun da finanzas sebasa sin ils resultats effectivs dils quens annuals dils davos tschun onns. Las investiziuns pils proxims diesch onns importan a varga 23 milliuns francs, denter auter il grond project «Center Fontauna». Malgrad igl emprest d'ulteriu capital ein ils deivets per habitont era el futur supportabels. Sper la finamira d'ina planisaziun da finanzas sauna vegn la suprastonza communal a far las investiziuns necessarias per saver garantir in svilup progressiv ella vischnaunca da Mustér. Plinavon ha il cussegl da vischnaunca concediu in credit net ell'altezia da frs. 195 000.– per la sanaziun dalla Via Raveras. Muort la decisiun dil cussegl da vischnaunca da menar atras la procedura da contribuziun per la sanaziun dalla via, vegn entschiet il pli baul igl onn 2023 cun las lavurs da construcziun.

Suprastonza communal.

---



### Controlla da habitonts

#### Naschientscha

Joel Albin, naschius ils 25 da zercladur 2022, fegl d'Aurelia e Claudio Albin

#### Mortoris

Luzia Huonder-Jacomet, naschida ils 18 d'avrel 1935, morta ils 24 da zercladur 2022

Felizia Deflorin-Huonder, naschida ils 9 d'avrel 1920, morta ils 26 da zercladur 2022

---

### Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun. Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala

---

### Biblioteca populara Disentis/Mustér e contuorn

#### Preziada clientella

Nus selegrein d'era astgar esser cheu per Vus duront las vacanzas da stad. Naven da **gliendisdis, ils 27 da zercladur, entochen venderdis, ils 12 d'uost 2022**, ei nossa biblioteca mintgamai aviarta sco suonda: **gliendisdis e venderdis dallas 17.30–20.00**

Naven da gliendisdis, ils 16 d'uost (entschatta dalla scola) ei la biblioteca puspei aviarta quater ga per jamna. Nus giavischein a Vus bialas vacanzas e selegrein sin Vossa viseta.

#### Liebe Kunden

Es freut uns, dass wir auch während der Sommerferien für Sie da sein dürfen. Von **Montag, 27. Juni, bis Freitag, 12. August 2022**, ist unsere Bibliothek jeweils **Montag und Freitag von 17.30–20.00 Uhr** geöffnet.

Ab Dienstag, 16. August (Schulbeginn) gelten wieder unsere üblichen Öffnungszeiten.

Wir wünschen Ihnen schöne Ferien und wir freuen uns auf Ihren Besuch.

Biblioteca populara Disentis/Mustér e contuorn

---

### Tir obligatori cun pistola sin 25 m

**Gliendisdis, ils 11-7-2022**, naven dallas 18.30–20.30

**Sonda, ils 13-8-2022**, naven dallas 18.30–20.30

**Gliendisdis, ils 29-8-2022**, naven dallas 18.30–20.30

ha liug el stan da sittar a Sars Sut a Mustér il tir obligatori cun pistola. Il tir ei per tuts gratuits ed armas ein a disposiziun.

Cordialmein envida Club da pistola Cadi

---